

ԱՎԱՐՏԱԾԱՌԵՐԻ ՊԱՇՏՊԱՆՈՒԹՅՈՒՆ ԳԵՎՈՐԳՅԱՆ ՀՈԳԵՎՈՐ ՃԵՄԱՐԱՆՈՒՄ

2001 թվականի հոկտեմբերի 22-ին Մայր Աթոռ Ս. Էջմիածնի Գևորգյան Հոգևոր Ճեմարանի հանդիսությունների դահլիճը լեվի-լեցուն էր: Այդ օրը ճեմարանավարը հինգ սաներ՝ չորսը սարկավագ, մեկը՝ քահանա, պետք է պաշտպանեին իրենց ավարտաճառերը: Ժամը 15.00-ին, երբ ավարտաճառերի հեղինակներն իրենց հարգապանքների, հոգևոր հայրերի, սարկավագների և ճեմարանի ուսանողների հետ սպասում էին պաշտպանությունն սկսելուն, դահլիճ մտան քննիչ հանձնաժողովի անդամները՝ Գերաշնորհ Ս. Եզնիկ եպս. Պետրոսյանի գլխավորությամբ: Հանձնաժողովի անդամներն էին՝ Հոգեշնորհ Ս. Բագրատ արք. Գալստյանյանը, ճեմարանի դասախոսներ Հրաչյա Միրզոյանը, Հակոբ Զյոսեյանը և Գնել Գրիգորյանը: Պաշտպանությունը նախագահում էր Գերաշնորհ Ս. Ոսկան արքեպս. Գալիաքյանը:

Պաշտպանությունն սկսվեց Տերունավանդ «Հայր մեր»-ով և «Իմաստութիւն Հօր Յիսուս» (Ն. Շնորհալի, «Հաւարով խոստովանիմ») աղոթքով: Այնուհետև հանձնաժողովի նախագահ Սրբազան Հայրը ողջունեց բոլոր ներկաներին և սկսեց առանձին-առանձին ներկայացնել ավարտաճառերի հեղինակներին և նրանց թեմաները:

Առաջինը պաշտպանության հրավիրվեց Արմեն սրկ. Հակոբյանը, որի ավարտաճառի թեման էր՝ «Հայ Եկեղեցու վախճանաբանությունը և ժամանակակից կրոնական շարժումների վախճանաբանական հայացքների քննությունը» (ղեկավար՝ Ս. Արմուր քնն. Մայիլյան): Սամվել սրկ. Միմոնյանի ավարտաճառի թեման էր՝ «Խրիմյան Հայրիկի գրական կերպավորումը հայ գրականությունում» (ղեկավար՝ Վարդան Դերիկյան): Վարդգես սրկ. Մանուկյանի ավարտաճառի թեման էր՝ «Դրվագներ Ղալբի Եկեղեցու միջնադարյան պատմությունից» (ղեկավար՝ Ս. Եզնիկ եպս. Պետրոսյան): Արարատյան Հայրապետական թեմից Ս. Սարգիս քնն. Չոփուրյանի, որը պաշտոնավարում է Երևանի Ս. Գրիգոր Լուսավորչի Մայր եկեղեցում իբրև ծխակապար քահանա, ավարտաճառի թեման էր՝ «Սևանի մենաստանը» (ղեկավար՝ Սանդղո Բեհրույան): Վերջում՝ «Պետրոս արքեպս. Բերդումեան-Աղամալեան Նախիջևանցի, «Մեկնութիւն Յայրնութեանն Յովհաննու» (ղեկավար՝ Հակոբ Զյոսեյան) վերնագրված իր ավարտաճառի բանավոր պաշտպանությամբ հանդես եկավ Վարդգես սրկ. Մայիլյանը:

Բոլոր պաշտպանողներն էլ հանգամանակից ներկայացրեցին իրենց աշխատանքները, ապա պարասխանեցին քննիչ հանձնաժողովի անդամների հարցերին: Ավարտաճառերի բանավոր պաշտպանությունից հետո հանձնաժողովի նախագահ, Գերաշնորհ Ս. Եզնիկ եպս. Պետրոսյանն ասաց, որ հանձնաժողովը պետք է առանձնապես վերջնական գնահատության համար, որից հետո Գերաշնորհ Սրբազան Հայրը հայրենից գնահատականները. Արմեն սրկ. Հակոբյան՝ «բավարար», Սամվել սրկ. Միմոնյան՝ «բավարար», Ս. Սարգիս քնն. Չոփուրյան՝ «լավ», Վարդգես սրկ. Մանուկյան՝ «բաջալավ», Վարդգես սրկ. Մայիլյան՝ «բաջալավ»:

Այնուհետև ավարտաճառեր պաշտպանողներին իր շնորհավորանքի խոսքը հղեց Հունահայոց թեմի առաջնորդ Ս. Ոսկան արքեպս. Գալփաքյանը: Նա նախ շնորհավորեց բոլորին Վեհափառ Հայրապետի անունից, ապա րվեց իր հայրական պարգևամը՝ հորդորելով և ասելով, թե Հայ Առաքելական Սուրբ Եկեղեցու սպասավորը պետք է գիտությամբ լուսավոր լինի, հավատքով՝ հզոր, որպեսզի կարողանա մյուսներին էլ իր լույսով լուսավորել և իր ունեցած հավատքը նրանց փոխանցելով՝ մեղքի գերությունից ազատել: Մենք՝ Մայր Աթոռ Սուրբ Էջմիածնի Գևորգյան Հոգևոր Ծննդարանի ուսանողներս, միանում և շնորհավորում ենք նրանց՝ մաղթում եկեղեցասեր ու հայրենամիլեր ծառայություն՝ «ի փառս Սուրբ Երրորդութեան եւ ի պանծացումն Առաքելական Սուրբ Եկեղեցոյս Հայաստանայց»:

Ավարտաճառերի հաջորդ պաշտպանությունը Մայր Աթոռ Սուրբ Էջմիածնի Գևորգյան Հոգևոր Ծննդարանում քեղի ունեցավ սույն թվականի նոյեմբերի 6-ին: Հանձնաժողովը, որի կազմում էին Գևորգյան Հոգևոր Ծննդարանի դասախոսներ Հրաչյա Միրզոյանը, Հակոբ Քյոսեյանը և Գնել Գրիգորյանը, ղեկավարում էր Ս. Եզնիկ եպս. Պետրոսյանը: Պաշտպանությանը ներկա էին Մայր Աթոռ Ս. Էջմիածնի միաբանները, Ծննդարանի քրեական կազմը, ուսանողությունը, ինչպես նաև ավարտաճառերի հեղինակների հարազատները: Պաշտպանության էին հանձնված վեց աշխատանքներ: Ավարտաճառերի պաշտպանության հանձնաժողովը որոշեց բաժնավոր ներկայացման հանձնել դրանցից միայն չորսը՝ Արսեն արկ. Շաղոյանի «Կաթոլիկ քարոզչությունը Հայաստանում 17-րդ դարում» (աշխատանքի ղեկավար՝ Ավետիս Հարությունյան), Տիգրան արկ. Եղիազարյանի «Հայ Եկեղեցին ընդդեմ «Մունականներ» կամ «Միավորման եկեղեցի» աղանդի» (աշխատանքի ղեկավար՝ Ս. Ղևոնդ Բահանա Մայիլյան), Հովհաննես արկ. Խաչատրյանի «Հայ-բյուզանդական եկեղեցական հարաբերությունները 9-11-րդ դարում» (աշխատանքի ղեկավար՝ Գնել Գրիգորյան) և Արմեն արկ. Եզնիկյանի «Մ. Եփրեմ Խորի Ատրին հայ մարտնչության մեջ» (աշխատանքի ղեկավար՝ Հակոբ Քյոսեյան):

Պաշտպանությունն սկսվեց Սրբազան Հոր օրհնությամբ: Այնուհետև ըստ կարգի ներկայացվեցին պաշտպանության հանձնված ավարտաճառերը, որից հետո յուրաքանչյուր ավարտաճառի հեղինակ ամփոփ կերպով ներկայացրեց իր աշխատանքը պարասխանելով հանձնաժողովի անդամների հարցերին, ապա հանձնաժողովը, առանձնաճառով վերջնական գնահատության համար, հայտնեց արդյունքները: Արսեն արկ. Շաղոյան՝ «բավարար», Տիգրան արկ. Եղիազարյան՝ «բավարար», Հովհաննես արկ. Խաչատրյան՝ «բավարար», և Արմեն արկ. Եզնիկյան՝ «բավարար»:

Արգասաբեր հովվական ընթացք մաղթենք ապագա ուսյալ քահանայացուներին՝ նրանց նվիրական, քրիստոնեանավեր առաքելության մեջ, և այս աշխատությունները թող դառնան նրանց ակնկալվող հոգևոր-գիտական գործունեության սկիզբը:

ՄՆԵՐ ԾԱՏՈՒՐՅԱՆ
ՂԱՅԿ ԴՊԻՐ ԲԱՐՍԵՂՅԱՆ